



JUDICIAL SYSTEM MONITORING PROGRAMME
PROGRAMA DE MONITORIZAÇÃO DO SISTEMA JUDICIAL

Komunikadu Imprensa

Períodu : Janeiru 2012

Edisaun : 18 Janeiru 2012

Tribunál Distritál Suai hala'ó julgamentu ba kazu diferente 4 durante loron ida nia laran

Iha loron 17 Fulan Janeiru 2012, Tribunál Distritál Suai hala'ó audiénsia julgamentu ba kazu 4 (ha'at) ne'ebé mak diferente, ho número prosesu mak hanesan Nú.74/PEN/2011/TDS; konabá kazu krime violénsia doméstika, Nú.92/PEN/2011/TDS konabá kazu krime ofensas integridade fízika simples, Nú.76/PEN/2009/TDS konabá kazu krime omisídiu simples no Nú.116/PEN/2009/TDS, konabá kazu krime aktus seksuál adolescente.

Entre audiénsia julgamentu ba kazu 4 ne'e, kazu krime ofensas integridade fízika simples Tribunál konklui ona liu husi lee leitura sentensa no hetan desizaun pena prizaun fulan 6, no sei selu multa \$ 3 lor-loron to'ó fulan 6. Entertantu, kazu 3 seluk tribunál hala'ó prosesu julgamentu hanesan bai-bain.

Diretór Ezekutivu JSMP, Luis de Oliveira Sampaio, haktuir katak *JSMP kontinua hatudu nia laran haksolok hodi kongratula Tribunál sira ne'ebé iha loron ba loron manifesta sira nia komitmentu no vontade diak liu husi produtividade servisu ne'ebé sira hatudu. Ne'e pasu progresivu ne'ebé ita merese hakruuk no apresia ba sira nia dezempuñu ne'ebé tribunál sira hatudu ba públiku.*

Bázeia ba rezultadu monitorizaun JSMP nian katak, prosesu julgamentu lee leitura sentensa ba kazu ofensas integridade fízika simples diriye husi juíz singular Dr. Costãnçio Barros Basmery, representa Ministériu Públiku Dr. António Tavares da Silva no arguidu hetan defeza husi Dr. Marçal Mascarenhas husi defensória Públiku.

Depois avalia faktu no prova hotu ne'ebé produz iha julgamentu laran, tribunál konklui katak arguidu sira ho inisiál QC, AMC no RF provadu komete krime tuir saída mak Ministériu Públiku akuza hasoru arguidu sira. Tuir artigu 145.1 Kódigu Penál konabá ofensas ba integridade fízika simples ne'ebé defini katak *“se maka ofende ema seluk nia isin ka saúde sei hetan pena prizaun to'o tinan tolu ka (3) ka multa.*

Relasiona ona ho prosesu no faktus hirak ne'e tribunál decide hodi kondena arguidu sira ho pena prizaun fulan 6 ne'ebé troka ba pena multa ne'ebé koresponde kada loron ida hetan US\$. 3

Tuir mai ba kazu violénsia doméstika ho Nú.74/PEN/2011/TDS, nia prosesu julgamentu prejide husi Juíza Dra. Florença Freitas, representa Ministériu Públiku husi Dr. António Tavares da Silva no arguidu hetan defeza husi Dr. Marçal Macarenhas husi Defensória Públiku. Kazu ne'e involve arguidu JG hasoru vítima ne'ebé nu'dar nia konjúje ho inisial GG.

Liu tan, ba kazu krime aktus seksuál adolescente ho Nú.116/PEN/2009/TDS, nia prosesu julgamentu prejide husi Juíza Dra. Florença Freitas, representa Ministériu Públiku husi Dr. António Tavares da Silva no arguidu hetan defeza husi Dr. Marçal Macarenhas husi Defensória Públiku. Kazu ne'e involve arguidu MB hasoru vítima PDJ ne'ebé ho idade minoridade.

Enkuantu ba kazu omisídiu simples ho Nú.76/PEN/2011TDS, nia prosesu julgamentu ho kompozisaun juízes kolektivu mak hanesan Dr. Alvaro Maria Freitas nu'dar juíz prezidénte, akompaña husi Dr. Costânçio Barros Basmery no Dra. Florença Freitas, representa Ministériu Públiku husi Dr. António Tavares da Silva no arguida hetan defeza husi Dr. Marçal Mascarenhas. Kazu ne'e involve arguida CdC hasoru matebian Mateus de Araújo.

JSMP kontinua enkoraza autór judisiáriu sira atu nafatin mantein sira nia dezempeñu profesionál liu husi servisu ne'ebé sira halo dadaun. JSMP hein katak esforsu no komitmentu hirak ne'e bele reduz kazu pendente sira ne'ebé sei nafatin hanesan preokupasaun klásiku husi públiku.

JSMP fiar katak mesmu instituisaun judisiáriu sira nafatin infrenta dezafiu oin-oin iha aspetu rekursu umanus no facilidade kontributoriu sira, infra-estrutura, maibé autóridade judisiáriu sira la-lakon sira nia esperitu dedikasaun profesional atu halo esforsu hotu ne'e posível aseguira katak tribunál sira nafatin funsiona atu hatan ba espetativa públiku konabá justisa iha nasaun ida ne'e.

Atu hetan informasaun kle'an favor kontaktu direktamente:

Luis de Oliveira Sampaio

Diretór Ezekutivu JSMP

Diresaun e-mail: luis@jsmp.minihub.org

Landline: 3323883/7295795